



**Onarpen-eskabidea: Haur, Lehen eta  
Derrigorrezko Bigarren Hezkuntza  
– Maiz egiten diren galderak –**



## AURKIBIDEA

1	<i>Nork egin behar du onarpen-eskabidea?</i> .....	2
2	<i>Noiz egin behar da onarpen-eskabidea?</i> .....	2
3	<i>Nola bete daiteke onarpen-eskabidea?</i> .....	3
4	<i>Nola sartu eta zer behar dut Internet bidezko eskabidea egiteko?</i> .....	3
5	<i>Zenbat eskabide egin daitezke?</i> .....	3
6	<i>Eskabidearekin batera aurkezteko agiriak</i> .....	4
7	<i>Ikastetxea aukeratzeko askatasuna</i> .....	6
8	<i>Ikastetxean jarraitzea</i> .....	6
9	<i>Onarpen-eskabideak aldatzea eta kontsultatzea</i> .....	7
10	<i>Onarpen-eskabidearen baliozkotasuna eta frogagiriak</i> .....	8
11	<i>Baremazioa</i> .....	9
12	<i>Nola egiten da onarpena?</i> .....	10



---

## 1 *Nork egin behar du onarpen-eskabidea?*

### *Nork egin behar du onarpen-eskabidea?*

Haur, Lehen eta Derrigorrezko Bigarren Hezkuntzan onarpen-eskabidea egin behar du, ikasle bat maila horietan eskolatu nahi duen orok, eta baldintza hauetakoren bat betetzen bada:

1. Ikaslea 2 urtekoen Haur Hezkuntzan eskolatzea, edo
2. Ikaslea lehenengo aldiz joatea Euskal Autonomia Erkidegoko (EAE) ikastetxe batera, edo
3. Ikaslea lehendik ere EAEn eskolatua egotea, baina:
  - a. Ikastetxez aldatu nahi izatea, edo
  - b. Ikastetxez aldatzeko interesik ez baina une honetan eskolaturik dagoen ikastetxean hizkuntza-eredua aldatu nahi izatea.

---

## 2 *Noiz egin behar da onarpen-eskabidea?*

### *Zein da onarpen-eskabidea egiteko epea?*

Hautatutako moduaren arabera, eskabidea egiteko epeak hauek dira:

- **aurrez aurre, 2018ko urtarrilaren 29tik otsailaren 9ra** arte, eskatutako ikasketa maila eskaintzen duen EAeko lehen aukerako ikastetxe publiko edo itunpekoan
- **internet** bidez Hezkuntza saileko web orrialdean **2018ko urtarrilaren 29tik otsailaren 8ra** arte (eskabidea egiteko epea ikastetxeetan baino 24 ordu lehenago itxiko da, herritarrak horrela behar izanez gero, nahitaezko dokumentazioa zuzentzeko aukera izan dezan)

Ez da eskabiderik edo agiririk onartuko epe horren aurretik ez ondoren.

### *Zer ordutan egin daiteke onarpen-eskabidea?*

Onarpen-eskabidea ordu hauetan egin daiteke:

1. **Ikastetxeetan**, jendeari arreta eskaintzeko orduetan.
2. **Internetez**, egunaren 24 orduetan.

### *¿Edonoiz alda ditzaket eskabidearen datuak?*

Eskaera lehenbiziko postuan aukeraturiko ikastetxean **aurrez aurre** entregatu duten eskatzaileek, edozein momentutan zuzendu ahal izango dute eskabidearen edozein datu **2018ko otsailaren 9ra arte**.

Eskaera **internet** bidez egin duten eskatzaileek, eskaeraren edozein datu alda ditzakete **lehen aukerako ikastetxea** eskaera hori **kudeatzen hasten ez den bitartean**.



---

### 3 Nola bete daiteke onarpen-eskabidea?

#### **Zein bidetatik bete daiteke onarpen-eskabidea?**

Onarpen-eskabidea 2 bidetatik egin daiteke:

1. **Aurrez aurre**, ikaslea eskolatu nahi den ikasketa maila ematen duen lehen aukerako ikastetxera joanda.
2. **Internetez**, Departamentuko web orrialdean telematikoki eskaera internet bidez betez.

#### **Eskabidea Internetez egin ondoren ikastetxera joan behar al da?**

**Ez.** Eskatzaileak Internetez eginiko eskabidean, derrigorrezko dokumentazioa eta eskaeran eskatutako baremazio irizpideak egiaztatzeko dokumentazioa gehitu beharko ditu.

---

### 4 Nola sartu eta zer behar dut Internet bidezko eskabidea egiteko?

#### **Zer behar dut Internet bidezko eskabide bat egiteko?**

**Posta elektronikoko kontu bat.** Eskabidea Internetez egiteko, posta elektronikoko kontu bat eduki behar da, harekin sisteman sartu eta han jasoko da aktibaziorako e-maila, izena eman ondoren.

#### **Nondik sar naiteke eskabidera?**

<http://www.euskadi.eus/eusko-jaurjaritza/hezkuntza-saila/> bidez. Sailaren orri nagusian sustapen-banner bat aurkituko duzu (Post-It). Esteka honen bidez onarpen eskabidearen informazioa duen orrialdea ikusiko duzu. Orrialde honen goiko aldean "Inskripzioa on-line" jartzen duen irudi bat aurkituko duzu, eta esteka berri horrek posta kontua eta pasahitzaren bidez, erabiltzailearen identifikatzeko orrira eramango zaitu.

#### **Zer egin behar dut ez badut aktibaziorako mezua jasotzen edo nahi gabe ezabatzen badut?**

**Saiatu berriro izena ematen.** Izena eman ondoren ez baduzu mezua jaso edo aktibatu gabe ezabatu baduzu, berriro izena ematen saiatzean sistema ohartuko da aktibatu gabe dagoela, eta berriro bidaliko du aktibazio-mezua.

#### **Zer egin behar dut sarrerako pasahitza ahaztu bazait?**

**Pasahitza berria bidali.** Sakatu "Pasahitza ahaztu zait" esteka eta mezu berri bat jasoko duzu, pasahitz berriarekin.

#### **Nola alda dezaket nire pasahitza?**

**Aldatu profila.** Sartu ondoren, orrialdearen goian eta eskuinean (hizkuntza aldatzeko barraren azpian), zure posta-kontua agertuko da, eta beheko aldean "Aldatu Profila" esteka, erabiltzaileak bere profilaren datuak aldatu ahal izan ditzan, besteak beste, pasahitza.

---

### 5 Zenbat eskabide egin daitezke?

#### **Egin al daitezke ikasle berarentzat hainbat onarpen-eskabide hainbat ikastetxetan?**

**Ez.** Onarpen-eskabidea edozein eratan eginik ere (Internetez edo ikastetxera joanda), ikasleko onarpen-eskabide bakarra egin daiteke.



### **Egin al daitezke Internet bidezko hainbat eskabide ikasle berarentzat?**

**Ez.** Ikasleko Internet bidezko sarrera-eskabide bakarra egin daiteke.

Internet bidez hainbat posta-kontu erabiltzeak ez du esan nahi Internet bidezko hainbat eskabide egin daitezkeenik ikasle berarentzat.

### **Egin al daiteke Internetez eskabide bat eta ikastetxe batean beste bat, ikasle berarentzat?**

**Ez.** Eskabide bat Internetez eginez gero, ezin da besterik egin, izena emateko eskabideak bakarra izan behar du.

### **Zer gertatzen da ikasle batek hainbat ikastetxetan onarpen eskabide bat baino gehiago aurkezten baditu?**

Izen emateko eskabideak bakarra izan behar du, eta ikasle berarentzat hainbat onarpen-eskabide aurkeztuz gero ikastetxe berean edo hainbatetan (bertara joanda nahiz Internetez), **ikasleak galdu egingo ditu aukera-eskabideak**. Ondorioz, bikoiztutako eskabideak azkenak izango dira izapidetzen, gainerako eskabideei plazak esleitu eta gero.

### **Internet bidezko eskatzaile batek sarrera-eskabide bat baino gehiago egin al dezake hainbat ikaslerentzat?**

**Bai.** Internet bidezko eskatzaile batek eskaera bat baino gehiago egin ditzake, hezkuntza maila berekoak edo desberdinetakoak eta ikasle desberdinentzat.

---

## **6 Eskabidearekin batera aurkezteko agiriak**

### **Zer agiri aurkeztu behar dira derrigorrez eskabidearekin batera?**

Bai eskabidea Internet bidez egin bada bai ikastetxera joanda egin bada, agiri hauek aurkeztu behar dira hura gauzatzeko:

1. Familia-liburuaren ikaslea azaltzen den orriaren fotokopia.
2. Familia-liburuaren aita/ama azaltzen den orriaren fotokopia edo lege-tutorea izatearen ziurtagiria.
3. Ikaslearen aita, ama edo lege-tutorearen NANaren fotokopia (AIT atzerritarrak izanez gero).
4. Familiaren egoitzaren ziurtagiria (ikaslearena eta aita, ama edo legezko tutorearena), hiru hilabeteko antzintasuna izango duena, gehienez ere.
5. Hezkuntza Sailak ezarritako berezko protokoloa bete izanaren agiria, familia banandua edo dibortziatua bada.
6. Hezkuntza premia berezien galdetegia, eskabidean egoera hori aipatzen bada.
7. Egindako ikasketen ziurtagiria, argi eta garbi adieraziz zer maila egiten ari diren une horretan (EAetik kanpo eskolatutako ikasleen kasuan).
8. Horrela bada, errendimendu handiko kirol-programak edo musika- edo dantza-ikasketa arautuak aldi berean ikasten ari dela egiaztatzeko agiria (DBHn bakarrik).



## ***Baremazioan puntuak eman ahal izateko, zer ziurtagiri aurkeztu behar dira eskabidearekin batera?***

Ikastetxe batek eskabideak baino plaza gutxiago baditu, lehentasunak erabaki beharko ditu hainbat irizpideren arabera. Puntuazioa eskuratzeko, baldintzak betetzearen ziurtagiriak aurkeztu behar dira.

Eskatzaileak adierazitakoaren arabera, honako hauek izan daitezke agiriak:

1. Familia-unitatearen urteko errenta.
  - a. Ikaslearen anai-arreba adingabeei dagozkien Familia-liburuko orrien fotokopia.
  - b. EAEtik kanpo aurkeztu bazen, 2016ko Errenta aitopenenaren kopia.
2. Familiaren bizilekuaren hurbiltasuna.
  - a. Ikaslearen aita, ama edo lege-tutorearen lantegiaren ziurtagiria.
3. Ikastetxearekiko harremana:
  - a. Ikaslearen anai-arrebaren batek eskatutako Ikastetxean edo atxikitako zentzoren batean ikasten duela ziurtatzen duen agiria.
  - b. Ikaslearen aitak, amak edo lege-tutoreak eskatutako ikastetxean bertan lan egitean duela ziurtatzen duen agiria.
4. Beste irizpide batzuk:
  - a. Kide ugariko familia izatearen ziurtagiria.
  - b. Ikaslea familia-harreran egotearen ziurtagiria.
  - c. Ikaslearen elbarritasunaren ziurtagiria.
  - d. Ikaslearen aita, ama, lege-tutorea edo anai-arrebaren elbarritasunaren ziurtagiria.
  - e. Eskatutako ikastetxeko bazkide kooperatibista izatearen ziurtagiria.
  - f. Eskola Kontseiluak edo Ordezkaritza Organo Gorenak erabakitako irizpideak betetzen direla egiaztatzen duten agiriak.

## ***¿ Non aurkeztu behar dut dokumentazioa?***

1. Eskaera **aurrez aurre** egiten bada, lehen aukerako ikastetxean.
2. Eskaera **internet bidez** egin bada, eskaeraren dokumentazioa internet bidez erantsi beharko da.

## ***Eskaera internet bidez egiten badut, edozein formatotan erantsi dezaket dokumentazioa?***

**.pdf** edo **.jpg** erabiltzea gomendatzen da. Hala ere, hurrengo formatoak ere onartzen dira: **.bmp**, **.doc**, **.docx**, **.jpeg**, **.png**, **.ppt**, **.pptx**, **.txt**, **.xls**, **.xlsx**, **.zip**, **.rar**, **.odt**, **.odp**, **.ods**, **.tif**, **.tiff**.

Aplikazioa ondo ibiltzeko 2 MB baino tamaina handiagoko fitxategiak ez igotzea gomendatzen da.



---

## 7 Ikastetxea aukeratzeko askatasuna

### Zeri esaten zaio "lehenetsitako ikastetxea"?

Lehenetsitako ikastetxea da *lehenbizi aukeratutakoa*.

### Eskabide bakar batean aukeratu al daitezke ikaslea eskolatzeko hainbat ikastetxe?

**Bai.** Eskabidea Internet bidez egin nahiz ikastetxera joanda egin, nahi izanez gero **3 ikastetxe ere** aukera daitezke eta, haietako bakoitzean, nahi diren hizkuntza-ereduak lehentasun-ordenan, ikastetxeak eredu horiek eskaini edo ez.

### Edozein hizkuntza-eredu eskatu al daiteke edozein ikastetxetan?

**Bai.** Onarpen-eskubidearen izapidea edozein eratan hasita ere (Internetez edo ikastetxera joanda), eskatzaileak eska dezake ikaslea edozein hizkuntza-eredutan eskolatzea (A, B eta D), ikastetxeak halakorik eskaini ez arren.

Eskatzaileak hizkuntza-eredu bat edo gehiago eska ditzake, bai eta haien lehentasun-ordena adierazi ere, bai lehenetsitako ikastetxean, bai bigarren eta hirugarren aukeratutakoetan ere, halakorik eskatu badu.

### Hautatu al dezaket erlijioa ematea edo ez ematea?

**Bai.** Eskatzaileak erlijioa eman ala ez aukera dezake, eta ematea hautatuz gero, hauek dira aukerak: Katolikoa, Ebanjelikoa, Islamikoa edo Judua.

**Ez** ematea hautatu badu, ikasleak hezkuntza mailaren arabera honako ikasketak hauek egingo ditu:

- Haur Hezkuntzako 2. zikloan eta Lehen Hezkuntzan, Sozial eta gizarte-baloreak.
- DBHn, Balore etikoak.

---

## 8 Ikastetxean jarraitzea

### Ikasle bat urte batekoen haur hezkuntzan badabil, ba al du bermerik edota eskubiderik ikastetxe horretan jarraitzeko?

**Ez.** Kasu horretan, eta jadanik ikastetxean eskolaturik egon arren, onarpen-eskabidea egin behar da, eta berak bezalako sarrera-baldintzak izango ditu ikastetxean eskabidea egin duen edozein ikaslek, edonondik datorrela ere.

### Ikasle bat ikastetxe batean badabil eta ikastetxe horretako hizkuntza-eredua aldatzeko eskatu badu, ba al du bermerik edota eskubiderik ikastetxe horretan jarraitzeko eskatutako eremuan?

**Ez.** Kasu horretan, nahiz eta ikastetxean eskolaturik egon onarpen eskabidea egin egin behar da, eta ikastetxean eskabidea egin duen beste edozein ikaslek dituen sarrera-baldintzak izango ditu, edonondik datorrela ere. Hezkuntza-etapa aldatzen denean, ordea, (hau da, Haur Hezkuntzako 5 urtekoen gelatik Lehen Hezkuntzako 1. mailara edo Lehen Hezkuntzako 6. mailatik DBHko 1. mailara) atxikitako ikastetxeetatik datozen ikasleekin bezalaxe jokatu da.



## 9 Onarpen-eskabideak aldatzea eta kontsultatzea

### **Erabiltzaile batek Internet bidez eskaera egin badu, edozein momentutan alda ditzake eskaera egiterakoan sartutako datuak?**

**Ez.** Internet bidez sartutako **datuak aldatu eta ezabatu** ahal dira, bakarrik lehen aukerako ikastetxeak eskaera **kudeatzen eta balidatzen ez** duen bitartean. Momentu honetatik aurrera, eskatzaileak bakarrik zuzendu dezake Internet bidez erantsitako dokumentazioa ikastetxeak beharrezkoa ikusten badu.

Era berean, lehen aukerako ikastetxea eskaera kudeatu eta balidatzen hasi bada, eta eskatzaileak balidatua izan den atalen bat aldatu nahi badu edo dokumentazio berria gehitu, aurrez aurre egin beharko du ikastetxean bertan.

### **Nola jakin dezaket interneteko eskaera bat zein egoeratan dagoen edo ikastetxeak eskaera jaso duen?**

Internet bidezko eskaeran sartzerakoan zein egoeratan dagoen agertuko da.

Internet bidez egindako eskaera hurrengo egoeretatik igaroko da:

1. Ikastetxera bidaltzeko zain: egoera honetan eskatzailea eskaeraren edozein informazio alda dezake, baita ezabatu ere.
2. Bidalita: eskatzaileak eskaera ikastetxera bidali du.
3. Aztertzen: ikastetxea eskaera kudeatzen hasi da, eskatzaileak ezin izango du bere eskaera aldatu.
4. Dokumentazioren zain: Ikastetxeak eskaera birpasatu du eta eskatzaileak erantsi duen derrigorrezko dokumentazioa zuzendu egin behar du.
5. Osatua: Ikastetxeak eskaera birpasatu du eta dokumentazio guztia zuzena da.
6. Osatua, ikastetxeak baremazorako dokumentazioa balidatzeko zain: ikastetxeak eskaera balidatu du. Derrigorrezko dokumentazioa zuzena da baina ikastetxeak oraindik ez du balidatu baremazio-irizpideak balidatzeko dokumentazioa.
7. Osatua, hiritarrak baremazorako dokumentazioa zuzentzeko zain. Ikastetxeak eskaera birpasatu du, derrigorrezko dokumentazio guztia zuzena da baina baremazio-irizpideak balidatzeko dokumenturen bat zuzendu behar du.

### **Nola jakin dezaket internet bidez bidalitako dokumentazioa zuzena den?**

Lehendabiziko aukerako ikastetxeak eskaera birpasatuko du eta ikusten badu bidalitako dokumentazioa ez dela zuzena, eskatzaileak e-mail bat jasoko du. Bertan adieraziko zaio dokumentazioa zuzentzea derrigorrezkoa dela.

### **Nola alda eta zuzendu dezaket internet bidez erantsitako dokumentazioa?**

Bidalitako dokumentazioa aldatzeko, dokumentura sartu eta oharrak izeneko zutabearen agertzen diren ekintzak kontsultatu.

Dokumentazioa zuzendu ondoren, "Ikastetxera bidali" botoia sakatu eta lehen aukerako ikastetxeak bere kudeaketa jarraituko du.





### **Internet bidez hasitako eskaera bat ezaba dezaket behin lehen aukerako ikastetxeak eskaera horren kudeaketa hasi badu?**

**Ez.** Behin ikastetxeak interneteko eskaeraren kudeaketarekin hasi bada, baja emateko lehen aukerako ikastetxera joan beharko du eta bertan baja emateko eskatu.

### **Erabiltzaile batek eskura al ditzake beste erabiltzaile batek egindako eskabideak?**

**Ez.** Erabiltzaile bakoitzak berak egindako eskabideak bakarrik eskura ditzake, eta inoiz ezingo ditu eskuratu besteren eskabideak.

### **Ikastetxeetara joanda egindako eskabideak eskura al daitezke Internet bidez?**

**Ez.** Internet bidez soilik kudea daitezke Internet bidez sartutako eskabideak. Zuzenean ikastetxean aurkeztutako eskabideak ezin dira eskuratu Internet bidez.

### **Zer behar dut eskabide baten datuak aldatu ahal izateko?**

Eskabidea ikastetxean bertan egin bada, aldaketa eginez gero, eskabidearen frogagiri originala sinatuta eta zigilatuta jaso aurretik, ez da beste agiririk beharko eskabideko ez gain. Beraz, eskabidea alda daiteke berriro ikastetxera joanda.

**Aldaketa egiten bada, eskatzaileak frogagiri originala sinatuta eta zigilatuta jaso ondoren, nahitaez aurkeztu behar da.** Egin beharreko zuzenketak egin ondoren beste datu-orri bat emango da, sinatuta eta zigilatuta; orduan zaharra apurtu, eta datu berriak baliozkotuko dira.

Eskabidea internet bidez egin bada, aldaketak ikastetxeak eskaera izapidetu baino lehenago egin behar dira. Ondoren ikastetxeak eskatutako aldaketak bakarrik egin ahal izango dira. Ikastetxeak balidatutako atalen bat aldatu nahi izanez gero edota dokumentazioa berria gehitu, aurrez aurre egin beharko da ikastetxean bertan.

---

## **10 Onarpen-eskabidearen baliozkotasuna eta frogagiriak**

### **Internetez edo ikastetxera joanda egindako onarpen-eskabide batek balio al du derrigorrezko agiriak aurkeztu gabe?**

**Ez.** Onarpen-eskabidearen izapidea Internetez hasi nahiz ikastetxera joanda hasi, eskabide bat baliozkoa izateko beharrezkoa da:

- Ikastetxera joanda egin bada, eskaera bat ez da zuzena izango hurrengo egoeretan:
  1. Derrigorrezko agiriak ikastetxean aurkeztu ez badira.
  2. Ikastetxeak ikastetxearen zigiluarekin eta eskatzaileak sinatutako eskabidearen frogagiria jaulki ez badu.
- Internet bidez egindako eskaeretan, eskaera bat ez da zuzena izango hurrengo egoeran:
  - o Ikastetxeak ez badu derrigorrezko dokumentazio guztia balidatu. Ikastetxeak eskaera baten derrigorrezko dokumentazioa birpasatu eta balidatu badu, eskaera hurrengo egoera batean egongo da: Osatua; Osatua baina baremazorako dokumentazioa balidatzeko zain edo Osatua baina baremazorako dokumentazioa zuzentzeko zain.



## **Noiznahi kontsultatu edota inprimatu al daiteke Internetez egindako eskabidearen zirriborroa?**

**Bai.** Erabiltzaileak noiznahi kontsultatu eta inprima dezake Internetez egindako eskabidea.

Ikastetxeak eskaera balidatzen ez duen bitartean, inprimakia **zirriborrotzar** hartuko da eta inprimaki horrek ur-marka bat izango du.

Eskaerak derrigorrezko dokumentazio guztia balidatuta badauka eta ez bada zuzendu behar, internet bidez lortutako eskaeraren inprimakiak ikastetxeak emandako frogagiriaren balio bera izango du. Kasu honetan, eskaeraren inprimakian **berdinketa-hauste zenbaki** bat agertuko da.

## **Eskatzaileari beti ematen al zaio onarpen-eskabidearen frogagiria?**

**Internet bidezko eskabidea denean**, eskatzaileak eskaeraren frogagiria eskuratu ahal izango du, **ikastetxeak dokumentazioa balidatu duenean eta dokumentazioa zuzentzat jo duenean**. Bitartean, sistemak aukera ematen du eskabidearen zirriborro bat pdfn eskuratzeko. Inprimakiak, legezko baliorik gabea, ur-marka izango du idatzita.

**Ikastetxera joanda** egin bada eskabidea, **frogagiria soilik emango da** amaitzean, hau da, derrigorrezko agiriak eramandakoan.

## **Nola ziurta dezaket ongi egin dudala onarpen-eskabidea?**

Aurrez aurre egindakoetan, eskatzaileak onarpen-eskabidea ongi egin duela ziurtatzeko, **ikastetxeak emandako kopia eduki behar du, ikastetxearen zigiluarekin eta eskatzaileak sinatuta**.

**Internet** bidezko eskabidea denean, eskatzaileak ziurta dezake bere onarpen-eskabideak balio duela **eskaerak** ("zirriborroa" hitzarekin ur-markarik gabe) **eskabide zenbakia eta berdinketa hausteko zenbakia baditu**.

---

## 11 Baremazioa

### **Zer da baremazioa?**

Ikastetxe bateko maila eta hizkuntza-eredu baterako dauden eskabideak gehiago direnean eskaintako plazak baino, ikastetxeak eskabideen baremazioa (puntuazioa) egin behar du lehentasunak erabakitzeko. Kasu horretan, eskabide bakoitzaren atal eta azpiatal guztiak barematu behar dira.

### **Nola lehenetsi eskabideak?**

Eskaerak barematzeko, kontuan hartu behar dira irizpide hauek:

1. Lehenengo eta behin, ikastetxeari atxikitako ikastetxeetako ikasleen onarpen-eskabideak sailkatuko dira lehen multzo batean, eta gainerako eskabideak bigarren multzo batean.

Lehenengo taldeko eskabideek beti izango dute lehentasuna bigarren taldeko eskabideen aurrean.

Aipatutako bi talde horietako bakoitzaren barruan, eskabideak ordenatuko dira lortutako puntuazioaren arabera eta, berdinketa balego, sistema informatikoak eskabide bakoitzari ausaz ematen dion berdinketa hausteko zenbakiaren arabera.



2. Hizkuntza-eredu bat baino gehiago eskatzen duten eskabideak daudenean, zerrenda bakarrean ordenatuko dira eskabide guztiak, puntuazio-hurrenkeraren arabera. Plazak esleitzeko, berriz, zerrendako hurrenkera eta eskatutako hizkuntza-ereduen lehentasunak hartuko dira aintzat.

### **Zer da berdinketa hausteko zenbakia?**

Eskabideen puntuazioan gerta daitezkeen berdinketak erabakitzeke, sistema informatikoak **ausazko zenbaki oso bat** emango die (1 eta 999999 artekoa), eta haren bidez hautsiko dira berdinketak, beste irizpide guztiak agortu ostean. Kasu horretan, aplikazio informatikoak eskabide guztiak txikienetik nagusienara ordenatu eta txikienari emango dio lehentasuna.

### **Berdinketa hausteko zenbakia aldatzen al da eskabide bat aldatzean?**

**Ez.** Behin emanez gero (baliozko eskabide bat osatu eta lortu ondoren), berdinketa hausteko zenbakia lehengo izango da, gerora eskabidea aldatuta ere.

### **Gertatu al daiteke eskabide bik edo gehiagok puntuazio bera eduki eta sistema informatikoak berdinketa hausteko zenbaki bera ematea?**

**Ez,** kontuan hartuz ikastetxe bakoitzeko eskabideen kopurua, berdinketa hausteko zenbakiaren konbinazioak, irizpide guztiak eta baremazioko puntuak, ia ezinezkoa da ikastetxe bereko bi eskabidek puntuazio bera eduki eta berdinketa hausteko zenbaki bera jasotzea.

### **Eskatzaileari noiz eta zergatik eskatzen zaio errentaren datuak egiaztatzeko baimena?**

Hala eskatzen da eskatzaileak dioenean familia-unitateak 9.172,80 eurotik beherako sarrerak dituela. Hori gertatzen denean, eta egia dela berrestearren, eskatzaileari baimena eskatzen zaio Hezkuntza Saila Foru Ogasunekin harremanean jarri eta hala dela egiaztatzeko.

### **Zer gertatzen da ez badut errentaren datuak egiaztatzeko baimenik ematen?**

Ez da punturik emango irizpide horrengatik, nahiz eta eskatzaileak adierazi familia-unitatearen errenta 9.172,80 eurotik beherakoa dela.

---

## 12 Nola egiten da onarpena?

### **Ziurtatu al daiteke eskatutako ikastetxean eta hizkuntza-ereduan eskolatuko dela ikasle bat?**

Eskabidea baldin bada eskatutako hizkuntza-eredua ematen duen ikastetxe baterako eta ikastetxeak eskabide guztientzako adina plaza baditu, eskatutako ikastetxean eta eremuan eskola daiteke.

Eskabidea baldin bada eskatutako hizkuntza-eredua eskaintzen ez duen ikastetxe baterako, Hezkuntzako Lurralde Ordezkaritzak aztertuko du maila eta eredu horretako taldea sortzeko aukerarik baden ikastetxean bertan edo inguruan, behar adina eskabide badaude eta plangintzak posible egiten badu. Edonola ere, ikastetxeko beste ereduetan onartzeko prozesuan parte hartuko du eskatzaileak, prozesu horretan parte hartzeko eskatu badu.

Eskabidea baldin bada eskatutako hizkuntza-eredua ematen duen ikastetxe baterako eta ikastetxeak ez badu plazarik eskabide guztiei erantzuteko, eskabideak barematu eta horren arabera izendatuko dira dauden plazak, era honetan ordenaturik:

1. Puntuazio handienetik txikienera, eta
2. Puntuazio berekoak berdinketa hausteko 1/2018 Dekretuak ezartzen dituen irizpideen arabera lehenetsiko dira; eta hala ere, berdinketak jarraituko balu, berdinketa hausteko zenbakiaren arabera, txikienetik handienera.

***Zer gertatzen da ikaslea ez bada onartzen lehenetsitako ikastetxean?***

Onarpen-eskabidean bigarren edo hirugarren aukerarik adierazi bada, bigarren aukeratutako ikastetxean plazarik baden ikusiko da, eskatutako hizkuntza-ereduen lehentasuna aintzat hartuz, eta ezin bazaio plazarik izendatu bertan, berdin jokatuko da hirugarren aukeratutako ikastetxean, halakorik balego.

***Zer gertatzen da ikaslea ez bada onartzen eskatutako ikastetxe bakar batean ere?***

Halakoetan dagokion Lurralde Ordezkaritzak erabakiko du ikastetxea, ahalik eta baldintzarik onenetan.